

Rigoletto

Rigoletto, de Amsel. Koana glaubt, dass des ihr richtiger Name ist.

Aba, wenn man, wie sie, so schee singa kon,
derf ma sich einen Künstlernamen zu legen..

Und sie fangt in da Früah um Viere mit ihrer Kunst oo.
Am liabstn sitzts auf der umgekehrten blauen Blüte,
aufm Hausdoch vo da Olivia.. Der Überblick üba des
ganze Zwergerldorf ist do am besten und ausserdem
ist sie säiba, und aa ihr Gesang am besten wahrnehmbar!

Sie singt ned nur, na sie erzäit damit Gschichtn. Ob olle davo
wahr san?! Oda nur a bisserl? Auf jedn Foi, kann ma ihr guat zuhörn.
Diese Melodien! und dann kann ma so drüber lacha!
Wenn da Rigoletto osetzt, denkt ma si, er hot a rote Nosn auf, wie a Clown!

Vo dem armen Wurm Romuald, hot er heit früah berichtet,
der oiwei nur am Jammern und am Wuisln war weil er oiwei
des woin hot, was vollkommen unmöglich war....
und weil ma hoit manches ned ändern kon und so annehmen muass, was is!!

So singt da Rigoletto:

Im Winta woit er Sonnenbaden
im November, hätt er blühende Bäume woin
aufm See wui er spaziern geh
und auf den Bergen schwimmen...
und wenn des ned geht?,
lasst er sei Lätschn hänga
fast dass er säiba draufsteigt!

Olle soin seng, wie schlechts mia geht!
wie unglückli mei Leben verlafft
koa Wunsch wird mia erfüllt
olle andern kriang oiwei olles,
was sa sie wünschen
Nur i! I ned! Nia!!

Da Romuald is desweng in am Erdloch verschwundn
und neamd hot eam mehr gsehn
er kann jetzt ois Regenwurm -
je schlimma, dass schütt'
sonnenbadn gehn

obwoi des so traurig klingt, haben de
Dorfbewohner des richtig lustig gfoundn.
Da Rigoletto hot a ganz traurige Melodie gewählt...
vo der ma scho vo weitem hört,
welche Verzweiflung in dem Text liegt...
Und da Schluss is ja nua no a Seufzen und wehklagen...

De Zuhörer wissen, dass de Wünsche von dem Wurm, dem armen Romuald,
erfundn san.
Und drum können und derfan die Bewohner von Blumenwies herzhaft über
den Blädsinn lacha...
Aba a bissl a wahrer Kern is dabei...
Manches kann ma hoit nia ändern. Des muass ma dann onehma und as beste draus macha!

Aba ganz vui kann ma ändern, wenn wos überhaupt ned basst.
Da Rumsti hot gsogt: „Für wos hot ma a Hirn, wenn mas ned hernimmt?!“